

中國方志叢書·華北地方·第三九二號

據

清·莊肇奎，鄭成中等纂修
清乾隆二十七年刊本

影印

山東省

樂陵縣志



5k19/10
成文出版社有限公司印行



10098414

中國方志叢書·華北地方·第三九二號

據

清·莊肇奎，鄭成中等纂修
清乾隆二十七年刊本

影印

山東省

樂陵縣志



成文出版社有限公司印行



10098415

中國方志叢書

華北地方·第三九二號

據

清·莊肇奎，鄭成中等纂修
清乾隆二十七年刊本

影印

山東省

樂陵縣志



成文出版社有限公司印行

5/19/10



10098416

中華民國六十五年 月壹一版

樂陵縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

樂陵縣初志序

萬曆辛卯

明知縣王登庸

昔御龍氏豕韋氏文獻不足尼父猶悲言禮之無徵況邑志卽古列國史也不惟觀風貢俗於是焉賴諸所規恢咸資考鏡焉樂舊無乘故實幾湮沒矣先是吏於是者率因循不果予來視政二稔有奇思欲刊定此書也舊矣復蒙督學李公檄予爲之然志不易爲爲之亦不易要在會原委咀菁華覈根據酌豐約剖異同效門室務該暢創浮靡顧于久不披籍旣不能爲日親案牘又不暇爲乃奉

幣敦禮學博若朱君宜純若范君暉若王君惟一
暨邑春元若潘君可久志實相符皆欲代予爲之
予時粗述其崖畧謂志者記載之謂也甚不可使
有缺失倘輿地宮室不志則封圻營建之區淆矣
餉食貨官師不志則盈絀治教之則惜矣倘選舉
人物不志則登崇儀型之道溷矣倘王言藝文不
志則宸翰詞林之品式茫以昧矣說未竟四君遽
頷之曰允哉允哉志法茲焉了矣維時予旋而理
幾務渠退而事纂摩不再月而稿竣總其卷爲八

統其綱亦爲八析其目則七十有二彙成經子于反覆含咀見其事該洪纖理通瞭昧瑩瑩徹徹洞洞屬屬璦璦然當爲一代之實錄矣被論次詳者弊也而穢刺褒著者弊也而誣則啗誚之次耳毗茲邑乘非徒典章明亦以政化寓由是按之以經政則披輿圖疆理無曠懼其有遺化也寓宮室補葺無曠懼其無完居也觀食貨樽節無曠懼其民膏剝也沿官師注措無曠懼其官箴玷也閱選舉陶成無曠懼其士習舛也稽人物步趨無曠懼其

元哲不取也覽王言藝文披服無曠懼其王命不
副史冊不錄也古謂守突奧者得仰睇於白日負
泥塗者將自濯於清源予今之賴此志猶是已噫
嘻鄭之辭命鄭國賴之予之爲政非志載不爲功
若之何其釋志也予向者悶悶然悲其無是志今
者俞俞然幸其有是志而且大有裨於理道故筆
之簡牘辨裂不文無暇恤也

樂陵縣初志序

高歷
平鄉

潘可久 邑人

昔之秉史筆者無慮數百家而班馬爲最卽伯陽
李氏亦嘗爲周守藏室之史史固代有之後易史
爲志而郡省州縣言記載者類取諸志已予邑無
志隴爾莫稽頓使山川之渢峴物產之玫瑰風俗
之閎蒨人才之犖磊文章之焱馭題咏之譏咤蕩
然澌然若抵鵠然余也業已憤之矣第茫昧黥譴
卒不敢奮首以肩頃者邑侯王公責予編之余不
勝其循牆之懼者久之徐作而言曰志何容易哉

昔司馬氏登龍門探禹穴訪九疑陟沅湘歷天下之大觀而後作史猶有誚其爲寸割錯紉者余何人斯而有事於此是焦僥載泰山螻螻怒臂以當車輪也必不勝矣獨念父母之命不可方而邑乘之修又竊有志焉剏精剔慮攬摭遺文蒐漁淪逸延訪野筆得邑廩膳生楊嘉言之雜記憲副史邦直之削文又據三學博之編次葺焚續缺刪訂補竄自本年糴賔月初旬開局卽林鐘月杪初脫藁浹月而定其首志輿地者明封疆也而圖甲畫

之道其具乎次志宮室者示規制也而整飭楨幹
之方其昭乎次志食貨彰材用也而爲貢賦費出
者資焉次志官師著職守也而爲安養教化者味
焉次之不可無選舉則志之以見人才之盛衰令
維風者知所以養育之也次之不可無人物則志
之以見先哲之芳躅令嗣音者知所以法戒之也
由是而封侯錫爵代有綸綍不忘之孰與勸也故
次之以王言由是而闡功揚德代有篇章不忘之
孰與考也故終之以藝文分門析類纂要提綱始

末篇爲八卷反覆奚啻萬言稿雖告完竊恐蠹測
管見播芳汗簡特載毫直嘗不私去取是則可信
耳嘗聞作志者有五患紀事患遺考古患謬辨俗
患淆綜言患不文陳政患弗軌樗櫟若予雖深用
視就預知其不免矣若夫推天鑿虛恢拓丹雘效
牛鬼蛇神之畫謬獲敬畏溺文以信實是志之蠹
也余也烏乎敢說者曰魯之春秋史也孔子筆削
之則爲經余之邑乘鄙俚駑淺雖不敢擬於史亦
微乎者也將有竊取其義者

樂陵縣志序

詩有之曰樂土曰樂國曰樂郊是皆
民想像其得所之安而忘奉以熙恬
鼓舞之義名其寔是未之臨目未之
覩室家未之寧止獨以嚮性一心形
諸詠歌寤寐終不傳其所欲適之何
地徒令千古而下流連慨慕於無窮
當是時諸侯國皆有史乘國亡藉

隨以亡故土俗之貞淫民心之忻厭
猶賴風詩以傳聞奕代也方今

天子仁聖文武魏、煌、充滿天地包龍
漠跨九菌所在賓順載歌太平百
姓安養壽考何土不樂何民不樂
戊寅歲余奉

簡命來宰是邑、曰樂陵攷樂陵設自
漢名最古意此邦之民其熙然

知所戚乎下車即索縣乘求悲今古
遠通風會物情之愛遷以察民之所
向乃章以叢禱日久漫漶不可卒讀
亟思重為撰述以甫涖官庶塵簿
間未果然數年中與民相習深諳
情狀質儉簡易勤以扶貧夫人情知
足則不足亦樂不知足則有餘亦不樂
舊志謂敦本業戲刀風即知足之

說也且今一郡不過古一縣通都大邑
卒當年亭埃之屬則自漢迄元中
間遭兵燹不樂遭苛政不樂遭饑饉
銓流亡不樂未有如我

朝而餘年人民安逸且繼自今綿

延之不可絕極樂之名歷古迺始不負
也舊志輯於順治間迄今固有續者
則有若造作之變仍政教之得失

奇忠信材德之人與其人之文不可得
傳久之以老湮沒故乘殘闕其咎安在
然竊有昌黎所云撰次不得其人之
恐庠辰秋適同年友鄭君來軒黃
君尚鄉來訪余之阮得邑張孝廉鏐
手抄志稿遂屬借史孝廉尚確大加
蒐採閱四月乃竣事是時浙西孝廉
莊君青園脩郡志甫就計偕北行乃